



John Kovac

Zamjenik Gradonačelnika, Vijećnik, Okrug 4,
Grad Mississauga

Prijedlog za proglašenje 11. jula Danom sjećanja na Srebrenicu u Gradu Mississauga

Predlažać: Vijećnik John Kovac

S OBZIROM DA su proklamacije Grada Mississauga službene izjave koje daju članovi Vijeća Mississaugue ili pod njihovim autoritetom, a kojima se priznaju važni događaji, obilježavanja i inicijative od značaja za Grad Mississauga i njegove građane;

I S OBZIROM DA proklamacije doprinose društvenoj strukturi Mississaugue prepoznajući kulturnu raznolikost i opće dobro;

I S OBZIROM DA je 1995. godine u Srebrenici više od 8.000 bošnjačkih civila ubijeno od strane vojske, paravojnih i policijskih snaga Republike Srpske, a oko 30.000 žena, djece i starijih osoba je nasilno protjerano; da su Međunarodni krivični tribunal za bivšu Jugoslaviju i Međunarodni sud pravde ovaj masakr proglasili genocidom; te da je on predstavljen u Kanadskom muzeju za ljudska prava;

I S OBZIROM DA je 2010. godine Kanadski donji dom jednoglasno usvojio Motion M-416, kojim je priznat genocid i utvrđeno da se 11. juli obilježava kao Dan sjećanja na genocid u Srebrenici u Kanadi;

I S OBZIROM DA se 2024. godine Kanada pridružila listi sponzora Rezolucije Generalne skupštine Ujedinjenih nacija kojom se 11. juli proglašava Međunarodnim danom promišljanja i komemoracije genocida u Srebrenici 1995. godine;

I S OBZIROM DA je 11. jula 2025. obilježena 30. godišnjica genocida u Srebrenici iz jula 1995. u Bosni i Hercegovini, te da ova godišnjica predstavlja priliku da se sjetimo i odamo počast onima koji su izgubili živote u brutalnoj kampanji terora, sile i etničkog čišćenja;

I S OBZIROM DA Grad Mississauga izdavanjem ove proklamacije ponovo potvrđuje svoju posvećenost prepoznavanju i suprotstavljanju rasizmu, diskriminaciji i mržnji u svim oblicima, te podršci kulturnoj baštini, raznolikosti i građanskoj angažiranosti među svim zajednicama;

STOGA SE DONOSI SLJEDEĆA ODLUKA:

1. Grad Mississauga ovim proglašava 11. juli kao godišnji Dan sjećanja na Srebrenicu, u znak komemoracije žrtava i svih onih pogođenih ovim tragičnim događajima.
2. Ova proklamacija će biti obilježena podizanjem zastave Bosne i Hercegovine i/ili osvjetljavanjem tornja sata u Gradskom centru u plavo i žuto, u čast Dana državnosti Bosne i Hercegovine 25. novembra 2025. godine.